

Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Inatsisartut inatsisaata allanngortinneqarneranik Inatsisartut inatsisaat (Umiarsuit takornarianik angallassissutit ilaasunik angallassinerannut akileraarummik qaffaaneq kiisalu angalanerit ataatsimut aaqqissuuteriikkat akileraarutaat)

§ 1

Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Inatsisartut inatsisaanni nr. 20, 30. oktober 1992-imeersumi, kingullermik Inatsisartut inatsisaatigut nr. 2, 21. maj 2002-meersukkut allanngortinneqartumi makku allannguutigittinneqarput:

1. § 1-imi imm. 1-ip kingorna immikkoortutut nutaatut ilanngunneqarpoq:

"Imm. 2. Umiarsuit ilaasunik angallassissutit, ilaasunik nalinginnaasunik takornarianillu angallassillutik ingerlaartut akileraarummik imm. 1-imi pineqartumik akiliissanngillat. Akerlianilli akilernerqassaaq angalanernut Danmarkimiit, Savalimmiuniit nunanilluunniit allaniit aaqqissuunneqartunut billetsimik pisisimasunut akileraarut tamarmiisoq ilaasumut ataatsimut 450 kr.-iusoq".

Imm. 2 aamma 3 matuma kingorna tassaalerput imm. 3 aamma 4.

2. § 1, imm. 2, oqaaseqatigiit aappaanni pingajuannilu allassimasut "ilaasumut ataatsimut 300 kr.-iusoq" ima allanngortinneqassapput: "ilaasumut ataatsimut 450 kr.-iusoq".

3. § 5, imm. 4, ima oqaasertaqalerpoq:

"Imm. 4. Umiarsuit, matumani aamma umiarsuit ilaasunik angallassissutit § 1, imm. 2-mi taaneqartut umiarsualivimmut ataatsimut arlalinnulluunniit nunalittartut imm. 2-mi aalajangersakkanit allaanerusumik akiliuteqarnissaat pillugu Akileraartarnermut Pisortaqaqfimmik isumaqatigiissuteqartoqarsinnaavoq".

§ 2

Inatsisartut inatsisaat atuutilissaaq ulloq 1. april 2006-imiit.

Hans Enoksen

/

Josef Motzfeldt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut